

皇明通紀法傳全錄

皇明通紀法傳全錄卷六

東莞

陳建

輯

西湖

高汝拭

訂

高

此煥
煥輝

正

壬子洪武五年正月。上以天下一統。惟雲南爲故元遺孽。梁王把匝剌兀爾密所據。特遣弗臣遣翰林侍制王禕。行參政吳雲。持詔往招諭之。禕出使吐蕃方。召還。更有是命。或謂禕文學詞臣。不宜遠蹈不測之境。禕慷慨卽日就道。及至雲南。見梁王君臣。諭以皇上聰明神聖。若亟奉版圖。歸職方。則高爵厚祿。身名俱全。奈何欲以一隅爲中國抗節之別室。糜糧有加。數日又以陳

友諒張士誠陳有定明玉珍曠廓帖木兒等強暴或死
或降或竄曾無用武之地不煩一刀而天下大定雖爾
元君亦北走以死先服者受重賞負固者戮及宗乃今
自料勇悍獷狠孰與陳張土地甲兵孰愈中國度治籌
義孰與天朝推亡固存孰與天命天之所廢誰能興之
若不降 皇上命龍驤百萬會戰昆池如魚遊釜中不
亾何待梁王君臣相顧駭愕有降意○命自今官吏犯
贓罪者無貸 上嘗曰贓弊不革欲成善治終不可得
故有是令○命賑給無告老幼男婦○命給僧道度牒
○遣楊載詔諭琉球○江湖諸州蠻寇叛亂命江陰侯

吳良爲征南將軍，帥師討平之。○發兵戍遼東，命靖募
戍吳順總舟師數萬，由登萊輔運以餉之。○復召薛顯
命造鐵券給賜。○上御武樓，與諸將籌邊事，中書左
丞相徐達進曰：「今天下大定，民庶已安，北虜歸附者相
繼，惟王保保出沒邊境，今復遁居和林，臣願鼓率將士
以勦絕之。」上曰：「彼沙漠一窮寇耳，終當絕滅，但今敗
於人衆，遠處絕漠，以死自衛，困獸猶鬪，况窮寇乎？姑置
之。」諸將曰：「王保保狡猾，詐使其在，終必爲寇，不如取
之。」永清沙漠。上曰：「卿必欲征之，須兵幾何？」達曰：「得兵
十萬足矣。」上曰：「兵須十五萬，分三道以進可耳。」上

又戒之曰。卿等力請北伐。志氣甚銳。然古人有言。臨事而懼。好謀而成。今兵出三道。當益思戒懼。不可輕。陳達等遂受命而行。○臨行。上謂諸將曰。今天下一家。尚有三事未了。其一。歷代傳國璽。在胡未獲。其二。統兵。王保保未擒。其三。前元太子不知音問。今遣汝等分道征之。大將軍徐達。總中道兵。湯和等副之。出大同。趨和林。宋國公馮勝。爲征西將軍。傅友德。陳德。爲副。總西道兵。山臨洮。攻甘肅。曹國公李文忠。爲征虜將軍。顧瑄。曹良臣。爲副。領東道兵。山北平。攻上都。每路兵十餘萬。○徐達等兵入沙漠。糧運不繼。師疲而還。馮勝等遇元岐王。

兵于別力篤山力戰敗之，斬首二千級。西取甘州，趨西涼。敗元將失刺罕之兵。至永昌，又敗元將朵兒只巴於虎刺牢口。進拔肅州。元平章不花戰死，降太尉瑣納兒等，獲馬萬疋。至瓜沙州，敗其守將，取亦集乃路，敗俞寶丘勝等，分兵戍守。扼塞關塞而還。○李文忠等兵擣應昌，進可溫河。至哈刺莽來，虜連遁去。文忠曰：兵貴神速，千里襲人，難多重負。乃留韓政、鮑輔童、小驢駒河，令士卒各持二十日糧，兼程並進。至土刺河，元將哈刺張蠻子列騎以待。文忠督兵與戰，馬中流矢，下馬持短兵接戰。部將李榮以所乘馬授之。文忠得馬，氣益厲，遂力戰虜。

天佑大奇

曹良臣死

即。這。至。騁。海。虜。來。益。衆。文。忠。據。險。爲。寨。示。以。單。弱。虜。疑。有。伏。遁。去。軍。還。失。故。道。乏。水。渴。死。者。衆。文。忠。患。之。至。哥。今。麻。思。出。野。尋。水。脉。忽。所。乘。馬。以。足。跑。地。泉。隨。湧。出。三。軍。賴。之。頓。時。與。文。忠。分。道。入。沙。漠。迷。失。道。糧。且。盡。遇。胡。兵。士。卒。疲。乏。不。能。戰。時。奮。厲。獨。引。麾下。數。百。人。躍。馬。大呼。衝。擊。胡。兵。敗。走。之。士。卒。復。大。振。曹。良。臣。至。阿。魯。渾。河。孤。軍。深。入。與。虜。戰。沒。事。聞。上。痛。悼。之。追。封。安。國。公。○陳。理。明。昇。居。常。辭。爵。不。樂。頗。出。怨。言。上。聞。之。曰。此。童。孺。輩。言。語。小。過。不。足。問。但。恐。爲。小。人。蠱。惑。不。能。保。其。終。始。宜。處。之。遠。方。則。繫。際。無。自。生。可。始。終。保。全。矣。於是。徙。

危得報軍

征洞蠻

立孤老院

之高麗遣元樞密使延安答理護之而往俾高麗王善待之○令山西北平河南山東各造獨轆車一千八百兩以備軍用○夏辰州一十八洞及九溪九渡水米坪散毛柿溪等洞蠻夷作亂連結相扇侵掠旁郡命衛國公鄧愈爲征南將軍楊璟爲副率兵討平之凡克四十八洞○復命江陰侯吳良率寶慶衛指揮胡游等征銅鼓五開潭溪漕滴騰浪篤莫洪州古州等處蠻寇誅其首惡撫其餘黨使復業凡平峒寨二百餘所皆編戶附籍自是溪洞蠻夷畏威懷德輸租賦奉法令地方遂安○詔天下郡諸縣立孤老院民不能自生者許入院贍

養

本以養窮。而令漸以爲情。民之資。奸民之藪耳。亦大失。聖祖美意。

行鄉飲酒

禮

上以海內宴安。思化民俗。以歸千古。乃詔各有司。舉行鄉飲酒禮。

獻嘉瓜

六月旬容縣民獻嘉瓜。二同蒂而生。禮部尚書陶凱奏。

同達至理

日禎祥實由聖德。上曰朕寡德不敢當之。且草木之祥。生於其土。亦惟其土之人應之。於朕何與。若盡天地間時和歲豐。乃王者之禎也。○秋琉球國瑣里國各遣

使朝貢。

光秋糧五

十月詔免應天太平寧國鎮江廣德今年秋糧。○內使

奏增飼虎肉。上曰：養牛以供耕作，養馬以供騎乘，養虎欲以何用，而費肉以飼之乎？命以虎送光祿，他禽獸悉縱之。○以宋濂爲太子贊善大夫，先是濂坐失朝，降編修，改司業，又坐考祭孔子禮遲慢，謫安遠，知縣未幾，召爲禮部主事，遂擢是職。○占城國王阿荅阿者遣其臣達班瓜卜者來朝，奏言安南以兵侵其境土。上命中書省移咨講和，未幾，陳叔明以兵收其腹心，殺之，遂及燈，于是遣其臣阮汝霖奉表貢馴象，而其表忽署陳叔明之名，主客曹已受其表，將入見時，曾魯取其別封閱之，曰：前日陳日燈爾，今驟更其名，必有以也。亟白尚

書詰之。汝霖不敢諱曰：日煜爲叔明所逼而死，遂篡其位。心懷懼，故托修貢以悅朝廷之意。禮部以聞。上曰：島夷何敢狡獪如此！却其貢，不受命。學士宋濂草詔責之。

吳棫曰：大都叔明所爲類于州吁。屢伐占城，其師文仲之數伐仲孚，况其君臣諂詐也。國家兵力未舉，使篡賊得以專土虐民哀哉。

定四川茶鹽之制。○高麗國王請遣子弟入大學。上

謂中書省曰：高麗欲遣子弟入學，此亦美事，但其涉海遠來，離其父母，未免彼此懷思。爾中書宜令其國王與羣下熟議之。果願遣子弟入學，爲子弟者果聽父兄之

閩書

命無所勉強，卽遣使護送至京。或一年，或半年，聽其歸省可也。○以西學教授高啓爲翰林院編脩，啓力學能詩文好權畧，每論事輒傾其座。元季張士誠開府平江，文士響臻，啓由臨安渡吳，遂家焉。時僥介之輩以詞學自雄，啓旁睨自若。見啓詩，大驚，禮爲上客。上聞其名，一日薄暮，御闕樓召見，見其人身長七八尺，與語聽其辨博，馳騁上下，精采煥發，大悅。入局，修元史，擢爲翰林編修。元史成，轉戶部右侍郎，尋辭歸，仍賜內帑金給牒放還。

吳棫曰：國初詩家高得張徐稱，吳中四傑惟啓才具
淵翻風骨刊氣遠過宋元雅堪補補昭代啓原汴人南

先任陳寧
奇酷觀一

以寬以爲

政明教化

止風俗邪

中倉然

皇明法傳錄卷六

渡隨野家下臨安山陰因元亂趙吳依其外舅周仲
達居于松江之青丘蓬萊青丘居上云故其詩曰我
家本出勃海王子孫散落落錢塘則爲浙
人無敵矣此係一代開國詩宗故詳記之

以禮部主魏觀爲蘓州知府○都督藍玉遇王保保于

土刺河擊敗走之○南寧指揮左君弼戩民之無藉者

爲軍又縱所部軍士入山伐木民多驚擾于是宣化盜

起劫南寧府詔發廣西官軍討平之仍命大都督按罪

君弼而禁戢其卒○作鉄榜申戒公侯申明律令其日

置犯人比同有九惟恃功載○命工部造紅牌鑄戒諭后妃之詞懸之

官中○高麗王顯遣其尚書吳季南于溫奉表貢馬及

其方物言耽羅國恃其險遠不奉朝貢及多留蒙古人

遁逃所聚恐爲寇患乞發兵征討。上賜單背止之。○
元都既平或有勸。上取遼東者。上曰力不施于所
緩威不加于所畏。遼地既遠不必川兵。天下平定彼當
自歸。已而元遼陽行省劉益果以其地來降。今蒙古平
章高家奴又相繼而至。靖海侯吳楨遣人護送至京。○
詔蜀應天太平鎮江寧國廣德五府秋糧。○令有司
考課以書農桑學校之績。○禮部侍郎曾魯卒。

初魯與修元史書成上進。帝坐端門。諸史臣俱有
白金束帛之賜。魯以功最居首。將乞身還山舍。開局
編類禮書。衆以老成之士無踰于魯。共堅留之。議禮
有如聚訟。魯當衆言。涕泗中腸。言曰。某禮宜。某書
某說者。是從某說者。非有不服者。爭相執詁。魯歷舉
傳記答之。各心服而去。俄遷禮部主事。面折安南使。

臣之好至是。上問丞相曰：曾魯在禮部，今何職？對曰：主事。上命即日超六階。為本部侍郎。未幾致仕。

卒。

癸丑洪武六年正月守令來朝。上賜酒餼明日陛辭。

復諭以勉修厥德廣施惠政。置六科給事中掌參駁。

糾劾之事。○金陵城完。上與劉基同閱視。上曰：城

高若此非人可踰。基曰：殊非燕能飛入耳。後燕王入金陵遂符此說。

徵孔克表為翰林修撰。

克表溫州平陽人孔子五十五伐孫也博學篤行前元至

正戊子。○黜丞相汪廣洋為廣東行省參政。○詔天下

鄉貢舉人罷會試。開文華堂於禁中。選舉人年少質美

者張唯等十七名肄業其中。上召見便殿親命題賦。

吉士之遊
禮與于此

小人為弊
色之堪
聖訓詳詳
遠之所見

詩稱旨皆擢翰林院編修命入堂中讀書詔儒臣桂彥
良宋濂分教之命光祿日給酒饌每食皇太子親王
迭為之主唯等待食左右冬夏賜衣時賜白金鞍馬寵
錫甚厚又選成均之秀入武英堂俾練習政事蔣學方
徵彭通宋善唯吉等皆拜給事中○德慶侯廖永忠請
令廣洋等四衛宜造多櫓快舡備倭從之○命魏國公
徐達曹國公李文忠往山西北平練兵防邊○上謂
儒臣詹同日聲色乃伐性斧斤朕觀前代人君以此敗
亾不少蓋為君居天下之尊享四海之富靡曼之色窈
窕之聲何求不得苟不知遠之則小人乘間納其淫邪

不爲迷惑者幾人。况創業垂統之君。爲子孫之所承式。尤不可以不謹。同對曰。不遜聲色。成湯所以垂裕。後昆。陛下此言。乃端本澄源之道。誠萬世子孫之法也。○安南陳叔明遣使奉表謝罪。及貢方物。請封爵。賜之紗羅。夏布。遣還。○江西行省商民坐沮壞鹽法。刑官擬以亂法罪當死。上曰。愚民無知犯法。猶赤子無知入井。見者莫不測憐。豈宜更以死罪論之。法可執奏不已。上曰。有罪而殺。國之常典。然有可以以無殺。彼愚民沮壞鹽法。原其情。不過爲貪利耳。○他心乃悉免死。輸作臨濠。

傷其之姑

國初已然
况今日乎
文詞之弊
極矣故近

二月以監令唐元亨爲太僕寺卿監丞孫模爲少卿命
應天廬州鎮江鳳陽等府滁和等州民養馬北以便水
草一戶養馬一匹江南民十一戶養馬一匹官給善馬
爲種率三牝馬置一牡馬每一百匹爲一羣羣設羣頭
羣副掌之牝馬歲課一駒牧飼不如法至缺駒損斃者
責償之其牧地擇傍近水草豐曠之地以時牧放游牝
秋冬而入寺官以時巡行羣牧視馬肥瘠而勸懲之任
滿吏部考其息多寡以爲殿最馬○閱武教場諭諸將
毋得縱恣害民○上諭中書省臣曰朕設科舉以求
天下賢才務得行修文質相稱之士以資任用今有司

日功令舉
存賢良孝
廉潔法術
舉選法術
也第恐所
舉者或由
親知或由
賄賂如正
統時拜官
公家而謝
恩私室者
又不勝其
病也
察與訪求
之令陛下
我 聖訓
真以賢才
為性命者

所取多後生少年觀其文詞若可與有為及試用之能以所學措諸行事者甚寡朕以實心求賢而天下以虛文應之非朕責實求賢之意也今各處科舉宜暫停罷別令有司察舉賢才必以德行為本而文藝次之庶幾天下學者知所嚮風而士習歸於務本○ 上又命吏部訪求賢才於天下曰世有賢才國之寶也古之聖王恒汲汲於求賢若高宗之於傳說文王之於呂尚二君者豈其智之不足也而遑遑於版築鼓刀之徒蓋賢才不備不足以為治鴻鵠之能遠舉者為其有羽翼也蛟龍之能騰躍者為其有鱗鱗也人君之能為治者為其

昭鑿錄成

以正心爲
主真王道
之要

有賢人而爲之輔也。今山林之士。豈無德行文藝之有
稱者。宜令有司采舉。備禮遣送至京。朕將任用之。以圖
至治。○命禮部尚書陶凱等。采摭漢唐以來藩王善惡。
可爲勸戒者。爲書書成。賜名曰昭鑿錄。以頒賜諸王。○
召桂彥良爲太子正字。入侍大本堂。上嘗從容語以
治道。彥良對曰。道在正心。心不正。則好惡頗。好惡頗。則
賞罰差。賞罰差。則太平未有期也。是以君人者。將忿怒
是務去時。上懲元氏。以寬縱失天下。立法甚嚴。臣民
有犯必誅。無輕貸者。蓋卽周禮所謂刑亂國用重典之
意。上謂彥良曰。法數行而數犯。奈何。對曰。用德則逸。

聖祖深知
桂公至枚
卜何以合
之而用汪
胡

德斌所及
無遠不屆

祖訓錄成

用法則勞法以靖民則民勞而弗靖德以靖民則民靖於德矣他日彥良侍上曰卿何官曰正字上曰卿帝者師也又一日謂彥良曰江南大儒惟卿一人對曰臣不敢肖宋濂劉基上曰濂文人耳基狡隘不如卿也彥良受知於上如此○大軍出鴈門西北巡長城外傅友德爲前鋒虜聞之絕塞而遁追獲故元平章字羅帖木兒

五月祖訓錄成上親爲序其目十有三曰箴戒曰持守曰嚴祭祀曰謹出入曰慎國政曰法律曰內令曰內官曰職制曰兵衛曰營繕曰供用命頒賜諸王且錄于

謹身殿東廡乾清宮東壁。仍令諸王書於王宮正殿內
宮東壁以時觀省。○ 上以天下既平，薄海內外幅員
方數萬里，欲觀其山川形勢，開檄阨塞，及州縣道里遠
近，土物所產，遂命各行省，每於閏年繪圖以獻。○ 以大
子贊善宋濂爲翰林學士。○ 上命禮官參考歷代帝
王有功生民者，立廟祀之。禮部尚書牛諒奏：三皇開天
立極，有大功德於民。京都、有廟，春秋享祀。伏羲以下，九
君宜令有司就各陵立廟，每歲致祭。商中宗以下，十五
君宜令有司立陵廟，三年一祭。上曰：五帝三王及漢
唐宋創業之君，俱宜於京師立廟致祭，其餘守成賢君

令有司祭於陵廟，皆每歲春秋祀之。遂建帝王廟於京師。○奪誠意伯劉基祿。先是基言於上，溫處之間，有地曰談洋，僻絕巖險，南抵閩界，曰三魁鹽盜淵，數方氏所由基亂。基奏設巡簡司蒞之。盜不便也。相率挾戍守卒以叛。大槩復陰爲主。基遣璉奏上其事，皆不先關白。中書時胡惟庸爲丞相，旣以舊語相恨，適有旨遣豪猾吏惟庸，乃使刑部尚書吳雲劾基以談洋踞山面海，有王氣，欲圖爲墓地。民弗與，則建立司之策以逐其家，遂爲成案。以奏上下之有司。惟庸請加以重辟。又欲逮基子璉獄。上皆不聽。惟奪基祿而已。旣而基入朝謝。

保身

恩遂居京師不敢歸。○以臨江侯陳德爲總兵節制諸軍，仍出塞外，敗虜兵於三公師，還駐陝西。秋，師再出，合戰於亥刺河，又敗之，斬擒無算。

七月，以左丞胡惟庸爲右丞相，中丞陳寧爲御史大夫。○真臘國王忽兒那遣使來朝貢。○命宋濂搜萃歷代姦臣之蹟，編爲辯姦錄，分賜太子諸王。

辨姦錄成

纂修大明

曆月

八月，命詹同、宋濂等纂修大明日曆。○詔西番吐蕃各族酋長舉故有官職者，至京授職，賜印俾，因俗爲治。以故元攝帝師喃加巴藏卜爲熾盛佛寶國師，分設烏思藏、甘朶衛二都指揮使司，自指揮宣慰、招討等司，及萬

戶府千戶所九三十三處以官共酋長自是蕃僧有封
爲灌頂國師及贊善王闍化王正覺大乘法王如來大
寶法王者俱賜印章誥命領其人民間歲朝貢

九月賜臨濠造作軍士衣米 上念凡有興作未免資
軍民之力土木之功亦甚難集加給米五斗衣一襲令
不至饑寒○ 上命儒臣擇唐宋名儒表箋可爲法者

遂以韓愈賀兩表柳宗元代柳公綽謝表進 上命中

書省臣錄二表頒爲天下式○ 上謂皇太子曰人君

統理天下人情物理必在周知然後臨事不惑吾自起
田里至於今日凡治軍旅理民事無不盡心恒慮處事

許宋問文
臨日表駢
及納美古
自爲然矣

未當。故常淡念。古人爲治。必廣視聽。凡言之善者。吾卽行之。不善者。吾雖不行。亦思繹至再。果不可行。然後置之。夫慮事貴明。處事貴斷。庶幾不收。况汝生長宮掖。未涉世故。若局於聞見。則視聽不廣。且目雖能視。所見不踰於國耳。雖能聽。所聞不越於庭。而欲以區區知識。決天下之務。能一一當理難矣。汝宜親賢樂善。以廣聰明。逆已之言。必求其善。順已之言。必審其非。如此則是非不混。理欲判然。因命所司常事。啓皇太子。重事。題許奏聞。○上畱心經籍。以爲經之不明。傳註害之。傳註之害。在乎辭繁而旨淡。乃命翰林修撰孔克表等。取羣

高廟着書
臨論其行

經要言析爲若干類以恒言釋之務盡聖賢之旨意又

不釐故常
每排朱文

慮諸儒臣未達註釋之義親製論語解二章以賜俾取

公集註呼
爲宋家江

則書成上賜名曰羣經類要

閣老備

十月涼州虜爲邊患都指揮宋晟率兵討之追至亦集

乃斬其渠帥也速兒并部落甚衆又招降僞國公吳把

都等萬八千人○李文忠將兵屯代縣出朔州擒元太

頒行大明
律一律也

尉伯顏不花○上旣頒行律令恐輕重失宜有垂中

斟酌詳定
矣從親爲

典命大理寺卿周楨等解其義頒行民間旣又命儒臣

相益務求
至當何快

同刑官共講唐律日錄二十餘條以進上爲斟酌擇

重乃尔

其可行者從之至是重命刑部尚書劉惟謙詳定篇日

命曰大明律。上親爲損益務求至當。命揭於兩廡之壁。并頒行天下。○潞州遣官貢人參。上謂之曰。朕聞人參得之甚艱。豈不勞民。今後不必進。知用當遣人自取。因謂省臣。往年金華進香米。朕命止之。遂於死中種田數十畝。每耕耘割穫之際。親往觀之。足以自適。及計所入。亦足供用。朕飲酒不多。太原進葡萄酒。自今亦令勿進。國家以養民爲務。豈以口腹累人哉。嘗聞宋太祖家法。子孫不得於遠方取珍味。甚得貽謀之道也。

十二月雲南梁王君臣聞王禕之言。已有降意。命員外郎賈寬改館奉禕。適元有遺孽。自立於朔漠者。遣侍郎

王子充有濟世之才不獨文名而已也使柄事權當必可觀

隨何使九江淮表送

使而與布

懼在起使

絕威能殺

向歆之使

而烏孫軌

滿禮子充

豈無其權

勢與亦以

時勢之末

可也其大

脫脫自西番來，且徵糧餉，欲連兵以拒我師。覘知梁王有二心，因以危言逼梁王使殺祿，以固其意。梁王持兩可未決，命司徒達里麻匿祿於民間。脫脫聞之，因謂梁王曰：「國家顛覆而不能救，反欲遠附他人耶？」躍馬而起。梁王不得已出，祿見之，脫脫欲以威屈祿，罵曰：「天迄汝元錄，我朝實代之。譬燭火餘燼，尚欲與日月爭光乎？我特遠來，豈爲汝屈。今惟有死而已。」或解曰：「兩國交爭，不殺來使，不從則遣之，彼何罪焉？」况王公利器，天下無雙。宐有以全之。脫脫曰：「今雖孔子在，義不可爾。」梁王不能救，祿顧謂之曰：「汝朝殺我，大兵久至矣，亦不聽。」遂遇害。

附錄卷六
代增補矣

安坐而食
其害小惑
世亂民其
果有飛行
精通經典
者多有數
人

時二十有四日未申時也達里麻陳物奠祭左右具衣
冠斂之卽昇至地藏寺漏澤園中化之以火遂無有知
其葬所者○時崇尚釋老徒衆日盛上惡其安坐而
食且惑世蠱民令郡縣止存寺觀一所併其徒處之釋
有飛行者領其事若請度牒必考試精通經典者方許
又以民家多以女子爲尼姑女冠自今年四十以上者
聽未及不許著爲令

甲寅洪武七年春建閩江樓於京師之獅子山山在金
川門內上昔屯兵直黃赤一幟破陳友諒之所也樓
成上親爲之記○命曹國公李文忠總兵北伐文忠

駐代縣，遣將各出，至三不刺者，擒其平章陳安禮、木屑飛，至順寧陽門者，斬其將珍珠、驢至、白登者，俘其國公、李羅帖木兒。○洪武五年五月，海賊李夫人、鍾萬戶、徐仙姑，叛於海晏下川、大儋、文持等地。璟同指揮范懷帥舟師勦捕，至陽江海陵，并上川、驚惶門，遇賊擊敗之，斬僞總兵鍾福全、李夫人，賊衆一百七十人，焚其船。雷州東海澗、沙頭洋，有海陵海晏賊船，劫掠於通明浦。徐聞縣璟率舟師至斷頭山，遇賊出洋與戰，殺溺甚衆，擒其僞總兵等二十八人，斬於軍前。又令雷州衛千戶王清等追捕賊羅巴，終於潘浦，殺海陵賊二百餘人於三川。

縣東洞洲獲賊首譚南受等三百八十人於翁家港擒
賊首梁許進又會海南官軍追已終於烏雷門畧無踪
跡頭目請降遂安撫其民而還後安南國雲屯海鎮報
云終已爲賊所殺衆潰散環率原部舟師還衛○廣西
中書行省左丞方國珍卒○上御西廡命講大學衍
義先是上以真德秀大學衍義令左右大書兩廡之
壁時時親覽及是御西廡大臣皆侍坐上指衍義中
言司馬遷論黃老事令宋濂講拆俾在坐者聽濂推說
明白復言漢武嗜神仙之學好四夷之功民力既竭又
重刑罰以震服之上曰朕之爲君上畏天地下畏兆

民兢兢業業不敢自逸。宋濂對曰：陛下此心，乃古先帝王之心也。慎終如始，天下幸甚。

上嘗御齋宮，宋濂侍。上問三代曆數，并龜條、短、廣、狹、濂歷歷言之。又曰：三代之治，天下以仁義成。歷世之多，後世莫及。又嘗從容語濂曰：皇太子，爾心治道，卿等宜常議論，庶廣見諫，幸善調護之。意太祖改政於天，民復倦倦於主，器誠萬世人君之法也。

擢太原府繁峙縣主簿。于文采爲大同府知府，時文采上言山西行省并按察司官吏事多不法，按有驗。上

國初用人或起遷或調外不拘資格如此

元末倫敘不明故

曰：文采職居下僚，能不避權勢，舉言其非，可嘉也。陞擢以旌異之。○詔免平陽、太原二府并汾州等縣今年田租。○蘭州八里麻民郭買的反，詔立賞格，購捕之。蘭州

聖主因其
數以開之

倫犯爲重

級凡者當
之是實奸

軍

衛遣其兄着沙與其弟火石反往招之郭買的不從着
沙火石反夜斬其首以歸本衛以其事聞請賞之
上
曰買的罪固當死然爲弟兄者告之不從執之而已手
自办之有乖天倫非所以令天下也但以其所獲牛馬
給之耳○寶慶衛指揮胡興丘廣左君弼等討左江黃
英傑於十萬山七峒口又取蜀之龍伏隘擒任文華攻
天門山獲元帥等守益陽又率兵於武岡飛雲山寨及
新寧邑內石鶴金節等處梟賊首楊子貴唐新等殺寧
賊羊惡鬼作亂討捕之又調阮岳兵進下五開潭溪太
平山六培山皮林洞龍塗山栗家寨大水洞諸險寨

及曹滴拘騰浪篤莫長林保息等山洞苗賊斬首共金
傳吳大揚大豪石巴良等三百人并部伍首級四百九
十招諭曹揚騰浪篤莫長林保息十二洞人民九百四
十餘戶至是陞僉大都督府事

四月都督僉事藍玉率兵攻興和故蒙古將脫因帖木
兒棄城走○永道桂揚諸州蠻寇竊發命金吾右衛指
揮陸齡討平之○上巡幸中都改中立府爲鳳陽府
徙府治於新城賜名鳳陽者以其鳳凰山之陽也

五月詹同宋濂等纂修大明日曆成又擇言行之大者
爲皇明實訓

大明曆日
成

皇明實訓

七月李文忠領兵攻太寧高州大石崖克之斬故元宗
王朶朶失里擒承旨百家奴

八月師至豐州擒胡官十二人部衆百餘人馬駝牛羊
以萬計朶王敗走追斬之獲其妃蒙哥及其金印并斬
其司徒答俊海平章把都知院忽都等○西域卜烟帖
木兒遣使來貢貢鎧甲刀劔等物詔賜以織金文綺并
羅衣一襲

卜烟帖木兒者撒里畏兀兒者鞬鞞別部也其地廣
袤千里去甘肅一千五百里東抵罕東西距天河里
北趨瓜沙州南界土蕃居無城郭以
繡帳爲廬舍產騾馬牛羊至是來朝

海上倭寇有警命靖海侯吳禎率沿海各衛兵出捕至

今有春泥
秋泥兩時

流球大洋獲倭寇入船伴送京師○時有人上書言鎮守北平淮安侯華雲龍之過者上命都督何文輝代之雲龍回京卒葬以侯禮

折衷于天
理人情之
至竭世可
行

孝惠錄

九月成穆孫貴妃薨詔禮官翰林考定禮儀皆云父在為母服杖朞若庶母則無服上以為不近人情命諸儒臣徧考諸書以報於是上親定制子為父母庶子為其母皆斬衰三年嫡子衆子為庶母皆齊衰杖期五服亦稍有升降編輯成書使內外遵守名曰孝惠錄○西番酋長獻葡萄酒却之賜文綺襲衣遣還○上謂廷臣曰草木無心遇春而茂盛遇秋而零落氣之所感

孫若其
其厚也真
天地之心
五

猶知榮悴。况於人乎。崇禮侯買的里八刺南來已五載。今既長成。能無父母鄉土之情。宜遣之還。於是厚禮而歸之。選老成宦者。咸禮表。下花帖木兒二人送行。復遣其父愛猷識理達臘。織金文綺及錦衣各一襲。買的里八刺辭行。上諭之曰。爾本元君子孫。國亡就俘。曩欲卽遣爾歸。以爾年幼。道里遼遠。恐不能達。今既長成。朕不忍令爾久客於此。故特遣歸。見爾父母親戚。以全骨肉之愛。又諭二宦者曰。此爾君之嗣也。不幸至此。長途跋涉。爾善視之。因致書與愛猷識理達臘曰。順天者昌。逆天者亡。古今通論。今日之事如此。君尚迷留不省者。

何蓋在至正之間。兵多將廣。尚不能駕馭。又被逼挾。今之衆壯弱。不過二萬流離邊境。意圖中興。君之謀畧。不知如何耳。君自度今時之權。比至正時。低昂若何。以此觀之。豈不愚哉。君以萬騎。或七八千騎。欲與全盛中國相抗。予又不知輕重若何。予謂君明天理。若能悟我所言。必得一族於沙漠。暫爾保持。或得善終耳。昔君在應昌所遣幼子南來。朕待以殊禮。已今五年。念君流離沙漠。無寧歲後嗣未有。故特遣咸里等護其歸。庶不絕元之嗣。君其審之。

十月皇長孫雄英生。○上御後苑觀護。宋濂等侍。

上曰農事成矣。濂對曰國以民爲本民以食爲天。陛下知稼穡艱難念生民疾苦實盛德事也。○置寶源局於應天府錢文曰大中通寶又令戶部及各省鑄洪武通寶并禁民私鑄犯者許將發銅送官更鑄。

南齊孔頴有言奸人所以鑄錢嚴法不能禁者由上鑄錢借銀愛工也。使銅不貴多工不漸費所鑄之錢體厚而肉好均製作工而輸罪正則本多費尠雖驅便之錢彼亦不憚况冒禁乎。此策奸之源不可不知也。

十一月命徙江南民十四萬以實鳳陽。上謂太師李善長曰濠州吾鄉里兵革之後人烟稀少田土荒蕪天下無田耕種村民儘多於富庶處起數十萬散於濠州。

鄉村居住，給與耕牛穀種，使之開墾荒田，永爲已業。數年之後，豈不富庶。遂移江南民十有四萬，詣鳳陽，命官監墾田畝，以善長同列侯吳良、周德興等總督之。○甘露降於鍾山，劉基作頌以獻。

甘露三降
于鍾山

劉基甘露頌稱洪武四年十月甘露降於鍾山，沾潤草木，莖若凝脂。五年十一月又降，今年春仍降，如初。帝德動天。

禎祥連見云。

上謂儒臣曰：老子所謂五色令人目盲，五音令人耳聾。與聖人去太去甚去奢之類。此語豈徒托之空言於養生治國之道亦有助也。但諸家之註各有異見，朕因爲註釋其義，至是註成，命儒臣觀之。○詔天下有司衛所

詔建籍民

空二十合派
面山

幽念困窮
真飢渴也
已之心也

官功臣庶
子

官宗子矣
復念其庶
子何舉奉
篤厚如此

體訪存恤。詔曰：軍士爲朕開拓疆宇，奮不顧身，沒於戰
場，屍不至家，竟無所依。父母年高，妻寡子幼，一旦拋棄。
至今不能存活。此朕之過也。民間經年避難，父南子北，
至今不能奉養者，有之。亦朕之過也。詔天下有司，各令
具名以聞。朕當會居存養使，不失所。○官功臣庶子，諸
曰：古者爵有功，官有德，則爵分五等，其於世食祿者，必
宗子承之。庶子則庶人也。朕有天下，諸子皆封王爵，立
國方隅。功臣庶子，未有所得。其後無所存活者，有之。故
勅中書都府，皆爵以流官。倘後有能捍大患而禦姦侮，
則功人世襲，不在流官數內。或有不恭而怠事者，則律

聖主留心
人才如此

可謂上不
負君下不
負友

如憲章○命刑部侍郎李浩通事梁子名使琉璃國市
馬○上御武樓宋濂侍上咨訪天下宿學之士濂
對曰會稽郭傳雖寄跡浮屠誠一代奇才也上顧之
未幾復召濂曰郭傳之文卿可持至乎濂以文進上
覽之曰誠如卿言既召見俾日侍左右以備顧問傳精
白一心凡可以獻替者咸無隱情擢爲翰林應舉陞起
居注遷考功丞○太陰犯軒轅占云大臣黜免上因
諭中書省臣曰爾中書宜告各省衛官知之凡公務有
乖政體者宜速改以求自安

高汝棫曰郎官應列宿誠哉是言也鄒三公九卿故
中台星折則張華應之長庚人愛則李白應之趙普

稟卓異

董兵屯田

資世通訓

洪武政記

乃紫微垣一小星之類其應歷歷有驗。卽如元天啓
戊辰婁宿降雷。高皇以是年生。洪武戊寅而婁星
復明。洪武元年正月彗出。亦宿是年元運除舊。太
祖更新是昴宿實應胡星也。正統己巳。災惑入南斗。
則車駕北狩。弘治庚申夏。彗犯紫微垣。五尚
書遷鑪而去。孰謂天道玄遠而不可稽哉。

洪武八年正月。各省郡縣入朝。舉天下卓異。以濟寧府
知府方克勤。有善政。錫宴儀曹。以鄭州知州梁敏廉能。
擢爲工部侍郎。遣衛國公鄒愈等往陝西。中山侯湯
和等往彰德。真定指揮馮俊等往汝寧。指揮李謐等往
北平。董兵屯田。○上謂侍臣曰。朕欲化民成俗。復古
之道。乃著是書以示訓戒。命曰御製資世通訓。皆申戒
士庶之意。詔刊行之。○洪武政記成。學士宋濂以

皇明法傳錄

卷六 高皇帝

二十二

訪窮民

所行關於政要者，編集成書。○命中書省行天下郡縣，如○傷○之○視○訪窮民無告者，月給以衣糧，無所依者給以屋舍。

選太學諸

主分教北
方 國初
重太學如
此

三月命御史臺選國子生，分教北方。諭之曰：北方喪亂之餘，人不知學，欲求多聞之士，甚不易得。今太學諸生中年長學優者，卿宜選取，俾往北方各郡分教。庶使大知務學，人材可興。於是選國子生林伯雲等三百六十人，給廩食，賜衣服而遣之。○時 聖以爲天下旣已安輯，而化民善俗之道，猶有未備，乃下詔郡縣，凡閭里皆啓塾立師，守令以時程督之。命立社學於邑，雖窮居僻壤，莫不有學。○命刑部尚書劉惟謙、申明、馬、成、諭曰：

立社學

教養兼備

三代而下
莫如太祖

此職耶
我將尽心
之官修舉
庶幾世矣
此政今日

馬政國之所重。近命設太僕寺，俾畿甸之民養馬。期於蕃息。恐所司因循，牧養失宜，或巡行之時，擾害養馬之民。此皆當告戒之。昔漢初一馬值百金，天子不能具鈞駟。及武帝時，衆庶街巷有馬，阡陌成羣，遂能北伐強胡，威服戎狄。唐初，纔得隋馬三千，及張萬福爲太僕，至七十餘萬。此非官得其人，馬政修舉。故耶爾宜爲朕申明。馬政嚴督有司，盡心芻牧，務底蕃息。有不如令者，罪之。

○德慶侯廖永忠坐累卒。

永忠以豪雄茂爽之才，虎視鷹揚之勇，濟之以訐諛，弘遠之譽，而成乎光大奇偉之勳。觀其鐵友諒於鄱陽，繫士誠於吳會，服國珍而擒友定，靖兩廣而縛明昇，降王破國於指顧之間，斬將擐旗於談笑之頃。收

皇明生尊榮
卷六 高皇帝

劉基

劉基意真
以心爲國

聲定價直開國之元勳。雖千古之名將，不是過也。
永忠論功當封公。太祖謂其使人窺意，以邀封爵。
止爵爲侯，而終獲譴累，以沒
豈其所以居功者未盡善歟。

四月誠意伯劉基卒。先是上欲相胡惟庸，基以爲不
可。既而上竟相胡惟庸，基大感曰：「僕吾言不驗，蒼生
之福也。」言而驗者，其如蒼生何？因憂憤舊疾愈增，時惟
庸潛蓄姦謀，淡惡基，遣醫視疾，飲其藥，有積腹中，如卷
石，基以白。上上未省也。疾遂篤。上遣使送基還家，
僅一月而卒。年六十五。基未卒前數日，以天文書授其
子璉，使俟服闋卽進之。戒曰：「勿令後人習也。」復謂次子
仲璟曰：「胡惟庸必敗，我欲奉遺表無益也。」日後上必

診果如所
所

臣

增次一人

思我待有問當密爲我奏其畧以爲脩德省刑祈天永
命且爲政寬猛當如循環耳幸聖主留意基剛毅慷慨
有大節每論天下安危則義形於色知無不言每遇急
難勇氣奮發計畫立就外人莫能測其機 上天威嚴
重惟基抗言直議不以利害休其中 上亦甚禮基常
稱爲老先生而不名又曰吾子房也廷臣或有過失得
譴者基密爲救解而免又以文章爲當代首稱云○命
有司立張巡許遠廟於歸德州歲時致祭○以薛祥爲
北平布政司祥原爲工部尚書至是 上以北平轄內
境民多貧乏有鬻子者祥卽責問所屬官知其所自率

造寶鈔

太后亦聘
幣哉

洪武正韻

以官俸贖給主一切庶務。嚴於責已。薄於責人。不尚華飾。不妄有所作。不作無益事。以害公私。在任凡三年。地方以寧。○詔造大明寶鈔。時中書省及在外各行省皆置局鑄錢。鼓鑄甚勞。奸民又多盜鑄。商賈轉易道遠不便。上以宋有交會法。而元時亦嘗造交鈔及中統至

元寶鈔。易於流轉。可以代鼓鑄之勞。遂詔中書省造之。

上初造鈔不就。夢神告曰。非用土子肝心不可。上憂之。語馬太后。后曰。此甚易耳。用國學文課置鈔。鈔

就矣。上曰。何也。答曰。土子。嘔心。敬出。文寔。豈非此耶。上從之。鈔遂就。

洪武正韻書成。上以舊韻起於江左。多失正音。乃命

翰林學士樂韶。以中原雅音校正之。書成。詔頒行之。

○皇太子攝祭皇地祗於方丘始用親製樂章

初國丘方丘樂章翰林所撰過於藻麗濛濛文上遂更製之

保保可方殿之頑民

吳雲亦有守之士也

上仰觀天象因見青氣在趙分恒山之北北夷遼東之地遣使往北邊諭將帥使詰戎練兵嚴勅守備○故蒙古王保保卒保保自定西之敗走和林愛猷識理達臘復任以事後從徒金山之北至是卒其妻毛氏亦自縊死○元梁王使其臣鐵知院院等二十餘人使漠北爲大將軍所獲送京師上釋之命湖廣行省參政吳雲偕行至雲南之沙糖口鐵知院等謀曰吾屬奉使不達中道被獲而還罪必不免於是共說雲令胡服辨髮詐

爲元使又逼令改易制書共給梁王雲不從以死自誓
鐵知院等知不可奪遂殺之梁王後知其事遣人送雲
骨還蜀給孤寺殯之○命皇太子秦王楚王靖江王
講武中都詔太子養善宋濂長史趙堞等從既行上
閱輿地志得濂梁古蹟命內臣馳驛賜東宮書令濂詢
訪隨處言之皇太子至池河得上所賜示濂濂曰
臨濂古蹟惟塗荆二山最著皆在鍾離縣西八九十里
間岡巒相屬淮水繞荆山之陰神禹鑿之水始流兩山
間民免修阻之患昔人所謂觀河洛者思禹功此亦一
大觀也皇太子過中都乃往遊焉命濂作記其諸古

此所知惟
庸之好而

後之者惟

劉青田吳

伯宗耳

甘露凡五
降矣

蹟。瀛。隨。處。進。說。甚。有。規。益。事。畢。還。京。師。

丞相胡惟庸專恣。以禮部員外郎吳伯宗剛直。不。屈。惡。之。坐。事。出。之。鳳。陽。伯宗上疏論時政。因指斥胡惟庸罪。狀。不。宜。獨。在。以。政。恐。滋。久。爲。國。大。蠹。辭。甚。切。直。上。覽。其。奏。卽。召。還。

九月詔改建大內宮殿。勅有司務崇簡素。毋作雕飾。奇巧。華麗。臺榭。苑囿。之。事。以。勞。民。費。財。

十一月甘露降於員丘青松之上。時上詣齊宮省視

壇場。親觀甘露凝脂。懸垂上下。有若明珠。命採嘗。詔諸臣從行者。共食之。儒臣咸獻歌詩以頌德。上曰。人之

常情好祥惡妖然天道幽微莫測若恃祥而不戒祥未必皆吉親妖而能懲妖未必皆凶蓋聞災而懼或蒙見伏見瑞而喜或以致咎何則凡人懼則戒心常存喜則修心易縱朕德不逮惟圖修省之不服豈敢以此爲已所致哉因著甘露論以示羣臣○發罪人工役屯種於

鳳陽

令各處人民雜犯死罪者免死工役終身徒流者照年限工役其官吏受贓及犯私罪當罷職者發鳳陽屯種犯流罪者鳳陽工役一年然後屯種

十二月故元太尉納哈出入寇遼東都指揮馬雲葉旺知其將至命益州衛指揮吳立嚴兵城守命虜至堅壁

論
德者甘露

勿戰及納哈出至見城中備禦嚴不敢攻乃越蓋州城徑趨金州時金州城池未完軍士寡少指揮王富常勝聞虜至督勵士卒分守諸城門選精銳登城以禦之納哈出裨將乃刺吾自恃其驍勇率數百騎徑至城下挑戰城上發弩射之乃刺吾被傷悶絕遂獲之虜勢大沮納哈出慮援兵至退走以蓋州有備不敢經其城乃由城南十里外沿祚河道歸葉旺策其將退先移兵祚河自連雲島至窟駝塞十餘里緣河壘水爲牆以水激之經宿皆凝沍隱然如城藏釘板於沙中設陷馬窞於平地伏兵以待之命老弱捲旗伏兩山間戒以聞砲卽擊

劉青田亦
辭相矣此
等人品能
有幾人

旗令指揮周鸚等。各肅兵以俟。四顧寂寞。已而虜至。旺
等俟其過城南。砲發。伏兵四起。兩山旌旗蔽空。鼓聲雷
動。矢石雨下。虜駭。倉皇北奔。趨連雲島。遇水城。馬不能
前。皆陷入窰中。遂大潰。馬雲於城中出兵追擊。至將軍
山。畢栗河。斬戮虜人馬。及凍死者甚衆。旺等復乘勝追
至豬兒峪。獲其士馬無算。納哈出僅以身免。

十二月 上欲命宋濂叅中書大政。濂辭曰。臣無他長。
惟文學是攻。今待罪禁林。恩莫大焉。臣誠不願居要樞。
上愈厚之。燕見必命坐。賜茶。每日令侍膳。詢訪舊章。
講求治道。嘗召問廷臣臧否。但言其善。上益喜賞。

陝州人獻天書。斬之。○召致仕禮部尚書陶凱爲國子監祭酒。

丙辰洪武九年正月諭太子諸王修德進賢之道。○官吏獲罪者。上恐法司推讞未精。或其人因公誣誤。法

立法嚴而
不苛開國
規模自大

雖難宥。情有可矜者。悉謫鳳陽。渠泉屯屯。俾歷艱難。省躬悔過。至是取梅珪等五百十八人赴京。命中書省

省多少事
抄

量才用之。○太安州民於蒿里得玉匣。內有玉簡十六。有司獻之。驗其刻。題宋真宗祀太山后土文。先代帝王。致敬神祇之物。命仍瘞其所。

二月太白晝見。○遣使齋勸獎。勞遼東諸將。擢馬雲業。

光見

旺。金爲都督僉事。○詔免河南北平山西陝西浙江江西福建湖廣等處安慶揚州徽州池州等郡今年稅糧。○命中山侯湯和。潁川侯傅友德等帥師往延安備元通臣伯顏帖木兒湯和等至延安。伯顏帖木兒請和上命諸將悉還。獨留傅友德屯兵以備之。未幾伯顏帖木兒果犯邊。友德設伏大破之。獲士馬輜重無算。

六月以宋濂爲學士承旨。諭之曰。朕以布衣爲天子卿亦起草萊。列侍從。開國文臣之首。俾世臣與國同休。不亦美乎。趣令取子孫官之。以子璉爲中書舍人。孫慎爲儀禮司序班。復以濂艱於行步。選良馬以賜之。上親

明良相得
宛然家人
父子矣祇
覺賞花釣
魚賦詩者
得意處耳

作馬歌。詔羣臣咸和以寵輝焉。

上觀川流不息。陋

尹程秋水賦。乃更爲之。召翰林諸臣觀之。令各撰一篇。

宋濂率同列次第獻賦。上皆親覽評品。已而賜坐。勅

大官設酒饌。內臣行觴。上顧濂曰。卿何不盡飲。濂以

不能飲對。上曰。卿姑試之。濂飲畢。上曰。更空一觴。

濂辭。上曰。一觴豈便醉人乎。濂舉觴瑟縮。上笑曰。

男子何不慷慨。濂一吸至盡。上大悅。須臾濂百頰行。

不成步。上賦楚辭一章。以賜。濂頓首謝。仍命羣臣各

賦醉學士歌。以贈之。曰。俾後世知朕君臣同樂如此。

陞監察御史殷敏爲饒州知府。

皇明去事錄 卷六 高皇帝

二十七

敬以國子生、選人武英堂紀事、授御史、治尚廉、明、有恩、愛、故、陞、今、官

欽天監奏五星紊度、日月相刑、下詔求言、於是山東布政使吳印、海州學正曾秉正、監察御史孫化、刑部主事茹太素等皆應詔上書陳言、上擇其可行者施行之

吳印、鍾山寺僧也、有文學、上親選命蓋髮、拜官、徑授方面、寵之甚厚、所言多從、

山西平遙訓導葉居昇字伯臣乃上言三事、尤切直云、居

昇、浙之寧海人、聞詔謂人曰、今天下有三事、其二事易

見而爲患、小其一事、難知而爲患、大此三者、積於吾心

久矣、縱不求吾猶將言之、况有明詔乎、卽爲萬言書言

三事、其畧爲分封太侈、求治太急、用刑太繁、書奏、上

萬言書太繁、予已進入皇明文、歸今不詳

怒其疎闊，骨肉逮繫，刑曹問狀，病死獄中。

八月遣官視歷代帝王陵寢，命百步內禁人樵牧，設陵戶二人守之。三年一遣使致祭。○改各行中書省爲承宣布政使司。○議將征雲南，命穎州侯傅友德、巡行川蜀、永寧、雅播等處，修治城郭關梁，於是金、筑、舊定、中坪、乾溪等寨酋長皆相率來降。

十月有虎晝入漢西門，傷二人。上聞之，釋在京徒役。

○以李祺爲駙馬都尉，尚皇長女臨安公主。

李祺善長子也。

黜莒州日照知縣馬亮，并訊汾州主簿樂成，以亮考滿入覲，州考其無課農興學之績。上曰：爲令而無愷悌。

之心馬用更爲故黜降之樂成州考其能恢辦商稅
上日攝佐撫安百姓豈以一恢辦爲能州考非是命訊
之御史大夫汪廣洋陳寧劾奏韓國公李善長有罪
善長父子免冠待罪上日大罪不治則法無以立小
過不赦則人無所容善長國之大臣不能立身教子劾
之誠是但念相從之久宥之勿問

劾其上疾不視朝善長無問候之誠李祺六日不
朝宜至殿前又不施禮又日復管宅於主第之左以
居之皆家法之不修也

詔改太廟從同堂異室之制前爲正殿後爲寢殿寢殿
九間以一間爲一屋奉安各廟神主時享歲祫則設累

蔡子英忠
臣

朝帝后衣冠於神座而祀之。○吐蕃所部川藏邀阻烏
思藏使者掠其輜重命衛國公鄧愈爲征西將軍都督
沐英爲副將軍總兵往討之。○詔送蒙古官蔡子英出
塞。

子英河南永寧縣人元季舉進士爲橫廓帖木兒所
知薦於元。遷顯官王師征定西橫廓帖木兒敗子
英單騎走關中入南山有司求之得械送京師至江
漢。去至是陝西又捕得之械送洛陽遇信國公湯
和。不爲禮和怒焚其髮。和之終不屈其妻適寓洛陽
聞子英至欲與相見子英避不肯見至京。上命釋
之授以宣英不受退而上書援引古今以禮義廉耻
自勵。光覽書愈重之命館於儀曹。忽一夜大哭。人
問之故曰思舊主耳語聞。上知其志不可奪勅有司送之出塞。